

Tarikh Dibaca: 03 MAC 2017

KHUTBAH JUMAAT

Tajuk:

***“UTAMAKAN AKHIRATMU, BAHAGIA
DUNIAMU”***

Terbitan:

Unit Khutbah

Bahagian Pengurusan Masjid

JABATAN AGAMA ISLAM SELANGOR



SENARAI AHLI JAWATANKUASA KHUTBAH NEGERI SELANGOR 2017

- 1. SS. Dato' Haji Haris Bin Kasim (Pengerusi)**
Pengarah Jabatan Agama Islam Selangor
- 2. SS. Dr. Haji Anhar Bin Haji Opir (Ahli)**
Timbalan Mufti, Jabatan Mufti Negeri Selangor
- 3. Tuan Haji Idris Bin Ramli (Setiausaha)**
Ketua Penolong Pengarah, Bahagian Pengurusan Masjid, JAIS
- 4. Yg. Berbahagia Dr. Haji Osman Bin Haji Sabran (Ahli)**
Pensyarah, Universiti Selangor
- 5. Tuan Haji Hamid Bin Md Isa (Ahli)**
Pensyarah, Kolej Universiti Islam Selangor
- 6. Tuan Haji Md. Sahari Bin Abdullullah (Ahli)**
Ahli Jawatankuasa Fatwa Negeri Selangor
- 7. Tuan Haji Abdul Halem Hapiz Bin Salihin (Ahli)**
Ketua Penolong Pengarah, Bahagian Penyelidikan Dan Pembangunan
- 8. Ustaz Muhammad Farhan Bin Wijaya (Ahli)**
Imam Besar Masjid Sultan Salahuddin Abdul Aziz Shah
- 9. Ustaz Indera Shahril Bin Mohd Shahid (Ahli)**
Pegawai Majlis Agama Islam Selangor
- 10. Ustaz Hairol Azmi Bin Khairudin (Urusetia)**
Penolong Pengarah Unit Khutbah, BPM, JAIS



"UTAMAKAN AKHIRATMU, BAHAGIA DUNIAMU"

الْحَمْدُ لِلَّهِ الْقَائِلِ: وَمَنْ أَرَادَ الْآخِرَةَ وَسَعَىٰ لَهَا سَعْيَهَا
وَهُوَ مُؤْمِنٌ فَأُولَٰئِكَ كَانَ سَعْيُهُمْ مَّشْكُورًا¹
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اَللّٰهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ أَجْمَعِينَ. أَمَّا
بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أُوصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا
الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ
مُسْلِمُونَ.

Muslimin yang dirahmati Allah sekalian,

Saya menyeru dan berpesan kepada para hadirin sekalian agar kita bersama-sama bertakwa kepada Allah SWT dengan mengamalkan seluruh syariat Islam dalam kehidupan kita di samping mengerjakan segala yang diperintahkan dan menghindari segala tegahan. Semoga hidup ini akan sentiasa dirahmati dan diberkati di dunia ini dan berbahagia di akhirat nanti.

¹ Al-Isra' : 19



Mimbar Jumaat hari ini akan membicarakan khutbah bertajuk
"UTAMAKAN AKHIRATMU, BAHAGIA DUNIAMU".

Hadirin yang dikasihi Allah sekalian,

Sesungguhnya, kebahagiaan atau kesengsaraan hidup bukan berpunca dari kekayaan atau kemiskinan, berharta atau papa, berjawatan tinggi atau pekerja biasa, tetapi sangat bergantung kepada sejauh mana kecenderungan hati samada bermatlamatkan dunia ataupun akhirat. Kenyataan ini telah ditegaskan oleh Rasulullah SAW dalam sebuah hadis yang diriwayatkan oleh at-Tirmidzi daripada Uthman Bin Affan R.Anhu bahawa Rasulullah SAW bersabda yang bermaksud;

"Sesiapa yang keinginan hatinya kuat kepada akhirat, Allah akan memudahkan urusan hidupnya, menjadikan kekayaan (merasa cukup) di dalam hatinya dan dunia akan tetap datang tunduk menyerah kepadanya. Sebaliknya sesiapa yang hanya dunia menjadi kerisauannya, Allah akan menghuru-harakan urusan hidupnya, menjadikan kefakiran (merasa tidak pernah cukup) di hadapan matanya, sedangkan dia tidak juga mendapat habuan dunia selain apa yang telah ditentukan untuknya".

Hadis ini menjelaskan kepada kita tentang apakah punca semua permasalahan hidup kita di dunia. Rasulullah menegaskan, akibat terlalu fikirkan dunia dan merasa bimbang dengannya, nescaya ketenangan dan kebahagiaan hidup akan lenyap dan pergi jauh dari kita.

Muslimin yang dikasihi Allah sekalian,

Menurut apa yang dinyatakan di dalam hadis tadi, kita dapat melihat beberapa kesan buruk dalam kehidupan orang yang hanya mementingkan



kehidupan dunianya dan mengabaikan persiapan untuk kehidupan di akhirat. Antaranya ialah;

Pertama: Urusan hidup menjadi kelam kabut dan sering bermasalah;

Hanya memberi tumpuan dan perhatian yang lebih terhadap urusan dunia semata tidak akan menjamin kelancaran dan kejayaan hidup seseorang muslim. Ini kerana Allah SWT tidak redha dengan cara hidup yang sedemikian rupa.

Kedua: Sering merasa tidak cukup dan tidak pernah puas;

Biarpun telah memiliki kemewahan dan kesenangan, kita masih resah memikirkan apa lagi yang perlu dikejar. Meskipun telah mencapai pelbagai kejayaan dan jawatan tetapi hati masih sarat dengan dengki dan rasa tidak puas hati. Jiwa yang begini keadaannya akan menjerumuskan tuannya kepada berbagai bentuk kemungkaran seperti menipu, merasuah, memfitnah dan sebagainya. Akhirnya berlakulah pertelingkahan, penzaliman, penindasan yang semuanya berpunca dari jiwa yang terlalu cintakan dunia dan melupakan kehidupan akhirat. Firman Allah SWT dalam Surah az-Zumar ayat 26;

فَأَذَاقَهُمُ اللَّهُ الْخِزْيَ فِي الْحَيَاةِ الدُّنْيَا وَلَعَذَابُ الْآخِرَةِ
أَكْبَرُ لَوْ كَانُوا يَعْلَمُونَ ﴿٢٦﴾

"Maka Allah merasakan mereka kehinaan dalam kehidupan dunia (dengan berbagai bala bencana), dan sesungguhnya azab seksa hari akhirat



(yang disediakan untuk mereka) lebih besar lagi. Kalaulah mereka mengetahui (hakikat ini, tentulah mereka tidak mendustakan Rasul)".

Hadirin yang dimuliakan,

Mereka yang sentiasa menjadikan akhirat sebagai matlamat hidupnya, akan mendapat jaminan kebahagiaan dan keharmonian hidup di dunia ini. Antara kesan baik yang akan terjadi dalam hidup mereka ialah;

Pertama: Urusan hidup menjadi mudah dan teratur.

Semua ini akan diperolehi apabila Allah SWT merahmati hamba-Nya yang mematuhi setiap tuntutan syariat hasil dari segala tindakannya bermatlamatkan dan mengutamakan Akhirat. Ianya akan menjadikan manusia itu lebih berhati-hati sebelum bertindak. Jika sesuatu yang mengundang dosa dan membawanya ke neraka, dia akan berusaha menghindarinya. Hamba yang memiliki hati yang begini mendapat jaminan keselesaan hidup di dunia dan akan dipermudahkan segala urusannya.

Fahamilah firman Allah SWT dalam Surah Al-Talak ayat 2 dan 3 yang menjelaskan hakikat ini;

...وَمَنْ يَتَّقِ اللَّهَ يَجْعَلْ لَهُ مَخْرَجًا ۖ وَيَرْزُقْهُ مِنْ حَيْثُ لَا يَحْتَسِبُ ۚ وَمَنْ يَتَوَكَّلْ عَلَى اللَّهِ فَهُوَ حَسْبُهُ ۚ إِنَّ اللَّهَ بَلِغُ أَمْرِهِ ۚ قَدْ جَعَلَ اللَّهُ لِكُلِّ شَيْءٍ قَدْرًا ۝

"Sesiapa yang bertaqwa kepada Allah nescaya Allah akan mengadakan baginya jalan keluar (dari segala perkara yang menyusahkannya). Serta memberinya rezeki dari jalan yang tidak terlintas di hatinya. Dan (Ingatlah),



sesiapa berserah diri kepada Allah, maka Allah cukuplah baginya (untuk menolong dan menyelamatkannya). Sesungguhnya Allah tetap melakukan segala perkara yang dikehendaki-Nya. Allah telahpun menentukan kadar dan masa bagi berlakunya tiap-tiap sesuatu."

Kedua: Sentiasa merasa cukup dengan apa yang ada.

Inilah yang dikatakan kaya jiwa. Jiwa yang kaya akan menjadikan seseorang bersifat qanaah. Sifat inilah yang menyelamatkan manusia daripada bersifat tamak dan rakus dengan dunia yang merupakan punca segala kemungkaran dan jenayah. Jiwa yang qanaah akan tenang walaupun tidak memiliki harta dan kemewahan dunia. Inilah punca sebenar kebahagiaan hidup manusia.

Firman Allah SWT dalam surah Ibrahim ayat 7;

وَإِذْ تَأَذَّنَ رَبُّكُمْ لَئِنْ شَكَرْتُمْ لَأَزِيدَنَّكُمْ^ص وَلَئِنْ
كَفَرْتُمْ إِنَّ عَذَابِي لَشَدِيدٌ ﴿٧﴾

"Dan (ingatlah) ketika Tuhan kamu memberitahu: "Demi sesungguhnya! jika kamu bersyukur nescaya Aku akan tambahi nikmat-Ku kepada kamu, dan demi sesungguhnya, jika kamu kufur ingkar sesungguhnya azab-Ku amatlah keras".

Hadirin Mukminin yang dirahmati Allah,

Lihatlah betapa mudah dan indahnya kehidupan orang-orang yang sering memikirkan tentang kehidupan mereka di akhirat. Sebaliknya orang yang sibuk memikirkan dunia dan mengabaikan akhirat akan dibelenggu dengan pelbagai masalah hidup.



Mengakhiri khutbah kita hari ini, mimbar menyeru supaya;

1. Umat Islam hendaklah yakin bahawa kehidupan akhirat adalah kehidupan yang kekal abadi.
2. Umat Islam hendaklah bersiap sedia mengumpulkan bekalan secukupnya ketika didunia ini untuk menghadapi hari akhirat.
3. Umat Islam wajib mensyukuri segala apa yang dimiliki di dunia ini agar ditambahkan lagi oleh Allah SWT.
4. Umat Islam wajib berusaha dan berikhtiar disamping memperbanyakkan doa sebagaimana yang telah diajar oleh Nabi SAW supaya kita berdoa sepertimana berikut;

اللَّهُمَّ أَعِنِّي عَلَى ذِكْرِكَ وَشُكْرِكَ وَحُسْنِ عِبَادَتِكَ

"Ya Allah, Bantulah aku untuk mengingatiMu, mensyukuriMu dan memperelokkan amal ibadahku kepadaMu".



أَعُوذُ بِاللَّهِ مِنَ الشَّيْطَانِ الرَّجِيمِ
وَابْتَغِ فِيمَا آتَاكَ اللَّهُ الدَّارَ الْآخِرَةَ وَلَا تَنْسَ^ص
نَصِيبَكَ مِنَ الدُّنْيَا وَأَحْسِنَ^ص كَمَا أَحْسَنَ اللَّهُ إِلَيْكَ^ص
وَلَا تَبْغِ الْفَسَادَ فِي الْأَرْضِ إِنَّ اللَّهَ لَا يُحِبُّ الْمُفْسِدِينَ ﴿٧٧﴾

"Dan tuntutanlah dengan harta kekayaan yang telah dikurniakan Allah kepadamu akan pahala dan kebahagiaan hari akhirat dan janganlah engkau melupakan bahagianmu (keperluan dan bekalanmu) dari dunia; dan berbuat baiklah (kepada hamba-hamba Allah) sebagaimana Allah berbuat baik kepadamu (dengan pemberian nikmat-Nya yang melimpah-limpah); dan janganlah engkau melakukan kerosakan di muka bumi; Sesungguhnya Allah tidak suka kepada orang-orang yang berbuat kerosakan".

(al-Qasas : 77).

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ وَتَقَبَّلْ
مَنِّي وَمِنْكُمْ تِلَاوَتَهُ، إِنَّهُ هُوَ السَّمِيعُ الْعَلِيمُ.
أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، فَاسْتَغْفِرُوهُ إِنَّهُ هُوَ
الْغَفُورُ الرَّحِيمُ



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ
لَهُ، وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ
وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ
وَصَحْبِهِ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا
بَعْدُ، فَيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ
بِتَقْوَى اللَّهِ فَقَدْ فَازَ الْمُتَّقُونَ.

Sidang Jumaat yang dirahmati Allah SWT,

Mimbar Jumaat sekali lagi berpesan supaya kita sentiasa bertakwa kepada Allah SWT dan menyedari bahawa Islam mengajar kita supaya bersikap sederhana dalam segala amalan. Kita amatlah dituntut agar menampilkan kemuliaan akhlak, sikap dan keperibadian tinggi kerana Rasulullah SAW diutus untuk menyempurnakan akhlak dan sebagai rahmat bagi seluruh umat dan sekalian alam.



إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ
الرُّسُلِينَ وَارْضَ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ
وَذُرِّيَّاتِهِ أَجْمَعِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ
وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ
مُجِيبُ الدَّعَوَاتِ وَيَا قَاضِيَ الْحَاجَاتِ. اللَّهُمَّ إِنَّا
نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِينِ، وَنَسْأَلُكَ
بِأَسْمَائِكَ الْحُسْنَى وَصِفَاتِكَ الْعُظْمَى أَنْ تَحْفَظَ
بِعَيْنِ عِنَايَتِكَ الرَّبَّانِيَّةَ وَبِحِفْظِ وَقَايَتِكَ الصِّمْدَانِيَّةَ،
جَلَالَةَ مَلِكِنَا الْمُعَظَّمِ سُلْطَانَ سَلَاطُورٍ، سُلْطَانَ
شَرَفُ الدِّينِ اأدريس شاه الحاج ابن المرحوم



سُلْطَانُ صَلَاحُ الدِّينِ عَبْدِ الْعَزِيزِ شَاهِ الْحَاجِّ. اَللّٰهُمَّ
اَدِمِ الْعَوْنَ وَالْهِدَايَةَ وَالتَّوْفِيقَ، وَالصِّحَّةَ وَالسَّلَامَةَ
مِنْكَ، لَوْلِيَّ عَهْدٍ سَلَاطُورُ، تَعَكُّوْا اَمِيْرَ شَاهِ ابْنِ
السُّلْطَانِ شَرْفُ الدِّينِ اَدْرِيسِ شَاهِ الْحَاجِّ فِيْ اَمْنٍ
وَصَلَاحٍ وَعَافِيَةٍ بِمَنْنِكَ وَكَرَمِكَ يَا ذَا الْجَلَالِ وَالْاِكْرَامِ.
اَللّٰهُمَّ اَطْلُ عُمْرَهُمَا مُصْلِحَيْنِ لِلْمَوْظَفَيْنِ وَالرَّعِيَّةِ
وَالْبِلَادِ، وَبَلِّغْ مَقَاصِدَهُمَا لِطَرِيقِ الْهُدٰى وَالرَّشَادِ.

Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan dibawah naungan dan pimpinan raja kami sebagai ketua agama Islam di negeri ini.

Justeru kami pohon kehadiran-Mu ya Allah, tetapkanlah iman dan pegangan kami kepada Ahli Sunnah Wal-Jamaah, terimalah amalan kami, kukuhkanlah perpaduan kami, luaskanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, lindungilah kami daripada bala bencana dan ujian-Mu yang berat serta peliharalah kami daripada amalan dan akidah yang menyeleweng dan sesat seperti fahaman Syiah, Qadyani serta lain-lain fahaman.



رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ
ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ
وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿٩﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا عَلَىٰ نِعْمِهِ
يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ وَلَذِكْرُ اللَّهِ
أَكْبَرُ وَاللَّهُ يَعْلَمُ مَا تَصْنَعُونَ.
